



**GOBIERNO DE  
MÉXICO**

**EDUCACIÓN**  
SECRETARÍA DE EDUCACIÓN PÚBLICA



**Dirección Académica**

**Nitaximati wa nitaihkuiluwa  
pa nunawatahtuh.  
Nawatahtuh Saragosah**

**Leo y escribo en mi lengua.  
Nahua del Sur Zaragoza  
MIBES 3**

**Taihkuiluh yeh gihlia tetaliliani gen muchiwa  
Instructivo del aplicador**

**Iskahtihma'xtilis  
Formativa**

**MEVyT IB BL1F1.15,11.1  
MEVyT IB BL1F1.15.11.2**

## Taihkuiluh yeh gihlia tetaliliani gen muchiwa

Yi taihkuiluh yeh gihlia tetaliliani gen muchiwa tachiwah tehwa mupah, tama'xtiani yeh ti tahtuwa ume tahtuh, ga tia ti'taliti gen unu' iskahtihma'xtilis 1 pa tanahma'xtilis *Nitaixmiti wa nitaihkuiluwa pa nunawatahtuh*, MIBES 3 pah MEVyT Indígena Bilingüe. Yi mutalia kua' chugumih/tagumih u tutahwewehmih/tuyelamahmih kua' tamigihya muma'xtihkih Nextilis 1 pa tanahma'xtilis. Xigehlamigi ga gen unu' ma'xtilis gichiwa **sese ma'xtiani**.

Ginegi xi'ye'tahtuhti tepa' wa inuchi yi taihkuiluh yeh teihlia gen muchiwa a'xtu ga ti'taliti, ga tepa' xi'nawati chugumih/tagumih u tutahwewehmih/tuyelamahmih yeh tanangiliah gen unu' ma'xtilis.

Xi'chiwa yeh wi's:

### a) A'xtu ga ti'talia

- Xi'tahtanili a'xtu tegiwahma'xtiani, amachichi gan taihkuilulu iskahtihma'xtilis yeh tia ti'taliti.
- Xi'ye'ta'wa gen unu' iskahtihma'xtilis yeh tia ti'taliti wa xitanangili, ga xigita teihki mi'stzakuilis ga amu tepa' xi'chiwa kua' nemi mutalia, ge, ga ti'mati ga gen muchiwa, se tahtuh yeh aya' taixtumah u yeh aya' mixmati, kua' aya' tepa' nesi amata'walis, wa seyu'mih.

### **ch) Kua' nemi mutalia**

- Xigaxihti itagegetzalis sese ma'xtiani pa ipaya'kayu a'teh pa iskahtihma'xtilis.
- Xigihli chugumih/tagumih u tutahwewehmih/tuyelamahmih ga gen unu' iskahtihma'xtilis mutalia ga ma muta ma'xtilismih yeh gikui' kua' muma'xtih pa tanahma'xtilis. Nusa, ga yi gen unu' ma'xtilis yah gitatih te ginegih gita'watihseh ga ma gipiaga ma'xtilismih yeh muchixtu'.
- Xitanextia gen unu' iskahtihma'xtilis pan yeh nemi muma'xtiah wa xiginihli ga weh mi'stahtaniah yeh aya' gimatih kau' aya' gimatih se tahtanilis yeh gipia gen unu' ma'xtilis.
- Xitaixmati taihkuiluh yeh teihlia gen muchiwa wa yeh ne muma'xtiah, xi'ta'wa ga ne gimatih teihki gichiwatih ge tai'nendih, ihkuiluh, tawasanih, wa seyu'mih, wa dah aya' ku, xi'palewi gan aya' gimati, amu xi'chiwili.
- Xi'maga iskahtihma'xtilis sese ma'xtiani ga yehwasa ma tanagili.
- Xigihli ma gitahtuhti tepa' sese tahtanilis wa ma tanangili wa tepa' ihkuiluh wa ma gichiwa wa kuachini yeh taihkuiluwa ga ma weliti gipuhpuwa, dah ku ginegi.
- Dah ma'xtiani aya' gimati kua' nemi gichiwa iskahtihma'xtilis, xi'palewi ga ma gixmati tepa' gen muchiwa.

**e) Kua' tami mutalia**

- Kua' tami talilis, xigindasukamti ga mu tahpahtihkih ga gichihkih.
- Xi'ta'wa gen gisa' iskahtihma'xtilis wa ximupalewi pa ye' uhwi'ma'xtilis.

Taixmatilis wa tamatilis taihkuiluh yeh teihlia gen muchiwa talilis, ga tepa' xi'tali gen unu' iskahtihma'xtilis ga ma tepa' gichiwaga yeh teh tiginima'xtihtu'.

Ni tami yi taihkuiluh yeh gihlia tetaliliani  
gen muchiwa gen unu' iskahtihma'xtilis  
Fin del Instructivo del aplicador para la evaluación formativa